



Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

Na osnovu čl. 36. stav 2. i čl. 52. Poslovnika Općinskog vijeća Ilijaš («Službene novine Kantona Sarajevo», br.2/10 i 18/15), čl. 13. Pravilnika o procedurama i kriterijima za dodjelu priznanja Općine Ilijaš («Službene novine Kantona Sarajevo», broj 4/15), te čl. 17. Odluke o priznanjima Općine Ilijaš («Službene novine Kantona Sarajevo», broj 1/15), Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš na 10. sjednici održanoj dana 21.01.2019. godine razmatrala je dostavljene prijedloge kandidata za dodjelu javnih priznanja Općine Ilijaš, te podnosi

IZVJEŠTAJ

Komisija je konstatovala da je po zatvaranju Javnog poziva za dostavljanje prijedloga kandidata za dodjelu javnih priznanja Općine Ilijaš, broj:01/1-02-Sl./18 od 18.12.2018. godine pristiglo ukupno 7 (sedam) prijava, od čega su 3 (tri) kovertirane i 4 (četiri) ne kovertirane. Svi prijedlozi su pristigli u ostavljenom roku i to kako slijedi:

1. Mjesna zajednica Lješevo – predlaže Alan Šerak za dodjelu Plakete
2. Stranka demokratske akcije, Općinska organizacija Ilijaš – predlaže Meliha Mešetović za dodjelu Plakete
3. Mjesna zajednica Ljubina – predlaže Alan Šerak i Udruženje žena "SAN" Ljubina za dodjelu Nagrade - priznanje
4. Mjesna zajednica Srednje – predlaže Alan Šerak i Fermiz Smajlović za dodjelu Nagrade - priznanje
5. Općinski načelnik općine Ilijaš – predlaže Nogometni klub "ILIJAŠ" za dodjelu Plakete
6. Općinski načelnik općine Ilijaš – predlaže Fermiz Smajlović za dodjelu Plakete
7. Socijaldemokratska partija BiH, OO SDP Ilijaš – predlaže Alan Šerak za dodjelu Plakete.

Komisija je o svom radu dala mišljenje sa obrazloženjem o pojedinačnim prijedlozima i isto dostavlja Općinskom vijeću Ilijaš, shodno članu 13. Pravilnika o procedurama i kriterijima za dodjelu priznanja Općine Ilijaš, te članu 17. Odluke o priznanjima Općine Ilijaš.

1. Plaketa Općine Ilijaš – Meliha Mešetović

Meliha Mešetović, rođena 21.04.1974. godine u Ilijašu. U svom rodnom gradu završava osnovnu i srednje školu gdje je zatiče i početak agresije na BiH. Meliha pristupa oružanim snagama BiH gdje provodi dvije godine. Nakon završetka agresije, Meliha zasniva porodicu, postaje majka dvoje djece, od kojih je jedno dijete sa posebnim potrebama. Uprkos iskušenjima i teškoj borbi, Meliha je primjer strpljivosti, ustrajnosti, teškog rada i zalaganja, ne samo kako bi olakšala sebi, nego pomogla i svim onima sa sličnim problemima. Tako, 2007. godine, sa grupom entuzijasta osniva Udruženje "Budi mi drug", za pomoć djeci sa posebnim potrebama i roditeljima djece sa posebnim potrebama.

Kao predsjednica Udruženja, realizira mnoštvo projekata koji se odnosi na socijalnu uključenost.

Ovo su neki od projekata:

- dodjela i opremanje prostora za rad Udruženja;
- dodjela vozila za potrebe Udruženja;
- hipoterapija;
- defektološki tretman;
- tretman logopeda;
- fizikalna terapija;
- nabavka oprema za fizikalnu terapiju;
- odlazak na more djece i članova udruženja;
- specijalna olimpijada Tuzla;
- sportske igre Oaza;
- festival "Plesom i pjesmom do snova";
- svjetski dan osoba sa down sindromom, 21.03.2018. godine obaranje svjetskog rekorda, šarene čarape;
- projekat "Kuhajmo zajedno", itd.

Svi ovi projekti uveliko nadmašuju lokalnu zajednicu i imaju širi društveni uticaj. Volonterski rad Melihe Mešetović, borca, nevjerovatne žene koja ruši granice i predrasude, daje nemjerljiv doprinos uključivanju djece sa posebnim potrebama u društvene tokove.

Komisija je jednoglasno dala saglasnost za navedeni prijedlog.

2. Plaketa Općine Ilijaš - Fermiz Smajlović

Fermiz Smajlović, rođen 15.03.1975. godine u Sarajevu, općina Centar, do rata živio u Srednjem gdje je završio osnovnu školu, a srednju u Sarajevu, te stekao zanimanje tehničar elektrotehnike. Početkom 1992. godine uključuje se u odbranu BiH. Prilikom agresorskog napada na selo Moševiče bio je teško ranjen i takav je proveo četiri dana u šumi nakon čega je zarobljen i odveden u Policijsku stanicu Srednje. Tu je ispitivan, te usljed inficiranih rana pušten i deportovan u Kamenicu, zatim Vareš, pa u zeničku bolnicu. Nakon kraćeg oporavka prebačen je u Njemačku na dalje liječenje, nakon čega ostaje 50% invalid, znači pripada kategoriji RVI. Krajem rata vraća se u BiH u svoje Moševiče, te od 1996.-1997. godine radi u UNDP, zatim od 1997.-2007. godine u Ambasadi Republike Austrije, zatim u Bingo Tuzla, te Vitalis Sarajevo, a nakon toga, tačnije od 2010. godine odlučuje da pokrene privatni biznis u oblasti drvne industrije i nastavlja da niže poslovne uspjehe. Vlasnik je i direktor firme "SARFA" d.o.o. Srednje koja dokazuje da kvalitetan proizvod i usluga, uporan rad i efikasne ideje mogu pronaći mjesto u najjačim zemljama evropskog tržišta. Firma trenutno zapošljava 40 uposlenika, a u toku ljetnog perioda kada se otvore određeni sezonski poslovi u firmi "SARFA" d.o.o. svoju egzistenciju obezbjeđuje dodatno nekih 20-30 porodica. Smajlović je vlasnik pilane u Srednjem i još dva lagerska objekta u Moševičima. Njegov trud i zalaganje je od velikog značaja za općinu Ilijaš i samo Srednje. Aktivan je i koristan član društvene zajednice.

Komisija je sa 4 glasa ZA i 1 glasom UZDRŽANIM (Midhat Pijadžer) dala saglasnost na navedeni prijedlog. Midhat Pijadžer predlaže da Plaketu treba dodijeliti Alanu Šeraku, dok su ostali članovi Komisije bili uzdržani po njegovom prijedlogu.

3. Plaketa Općine Ilijaš – Nogometni klub "ILIJAŠ"

Nogometni klub "ILIJAŠ" – inicijativa za osnivanje nogometnog kluba pokrenuta je još u maju ratne 1994. godine kada je formiran inicijativni odbor za osnivanje kluba. Klub je prvi put zvanično upisan u registar Višeg suda u Sarajevu 03.05.1996. godine pod nazivom Nogometni klub "Misoča". Odlukom Skupštine, klub mijenja ime u Nogometni klub "ILIJAŠ" i 10.08.2000. godine upisuje se u registar Udruženja koji se vodi kod Ministarstva pravde i uprave Kantona Sarajevo. Klub se takmiči u Kantonalnoj ligi Sarajevo, a 2015. godine Klub se plasirao za takmičenje u II ligi Federacije BiH – Centar gdje se uspješno takmiči tri sezone. Na kraju prve polusezone 2018/2019. godine Klub zauzima treće mjesto sa ambicijama za plasman u I ligu Federacije BiH. Poseban napredak u radu klubu zabilježen je u toku 2017. i 2018. godine kada dolazi do znatnog omasovljenja Kluba, tako da u 2018. godini Klub okuplja 200 članova u svim selekcijama od pjetlića do seniora. Obezbjedeći su kvalitetni uslovi rada kako za obavljanje trenažnih aktivnosti, tako i za odigravanje prvenstvenih utakmica. Omladinske selekcije kluba takmiče se u rangui sa najboljim omladinskim selekcijama premijerligaških klubova BiH. Upravni odbor Kluba kojim predsjedava Amar Dovadžija, dodatnim naporima obezbjedio je dodatni broj sponzora, tako da se klub svega 50% finansira od sredstava iz općinskog Budžeta, dok se ostala sredstva obezbjeđuje od reklama i sponzorstava. Važno je istaći da je u 2018. godini Klub obezbjedio sredstva za saniranje glavnog terena sa ugradnjom savremenog, potpuno automatizovanog sistema navodnjavanja. Nabavljen je potpuno novi mobilijar koji uključuje golove, kabine za rezervne igrače i semafor. Klub se aktivno angažovao da otpočnu radovi na izgradnji tribina sa pratećim objektima, čijom izgradnjom će općina Ilijaš dobiti jedan moderan i prestižan sportski objekat.

Komisija je jednoglasno dala saglasnost za navedeni prijedlog.

Shodno naprijed navedenom, Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa, predlaže Općinskom vijeću Ilijaš da na temelju Izvještaja, donese Odluku o dodjeli javnih priznanja općine Ilijaš za 2018. godinu.

S poštovanjem,

Dostavljeno:

1. Općinskom vijeću Ilijaš (x25) i
2. a/a.

Predsjednik Komisije

Šeherzada Čosić
Šeherzada Čosić